

ximè etiam propter omnium Gentium, omniumque vitiorum, præsertim vero & Idolatriæ incredibilem, quæ in utraque fuit, coluviem. Videturque accommodatè Romæ nomen in Babylonis nomen immutasse, ut si Epistola sua in Gentium manus incideret, Ecclesia Christi Romæ nascens non periclitaretur.

*Petrus Romæ crucifigitur.*

L. Haftenus Petri Apostoli Vita ex Evangelistis & ex Novo Testamento exscripta est, sed reliqua, & quæ maxima est illius Vitæ & Actorum pars, ea non nisi ex antiquis, iisque Scriptoribus Ecclesiasticis, qui proxime Petri ætatem secuti sunt, expetenda. A. C. 36. Petrus etenim è carcere, in quem eum A. C. 42. Herodes conjecerat, liberatus ab Angelo, statim peragravit Syriam, & in Antiochia sedem Pontificiam instituit; tum & Capadociam, Pontum, Galatiam, Bithyniam, & Asiam, perlustravit, & ubique Euange-

lium prædicavit. Romam etiam pervenit, ibique Cathedram erexit. Marcum Evangelistam ad Ecclesiam Alexandrinam suscipiendam misit, & in reliquas Occidentis partes Discipulos amandavit, scilicet Italiam, Gallias, Hispanias, Africam, & insulas circumjacentes. *Pulsis è Roma Iudæis* edicto Claudii Cæsaris, Petrus Ierofolymam redit, ubi Concilium primum habitum est, tandemque Romæ iterum redditus, una cum Paulo ut Ecclesiam Christianam sub Nerone dirissimè vexatam penèque deficientem sustinerent, cum Simonem Magum, Deum se esse mentientem, & in aëra volantem, precibus suis præcipitem egissent, & ex lapsu membra dissolvissent, à Nerone in vincula coniecti, primumque precibus Christianorum moti, ut fugam capefferent, seque suis servarent, apparitione Domini revocati ad carcerem, & martyrium, virgis cæsi, Petrus cruci affixus capite inverso, Paulus capite truncatus est. A. C. 41.

